

HAJDAREVIĆ TIMA

BOSANSKI put km 15
LIJAŠ 71380

MINISTRU ZA BORAČKA PITANJA KANTONA SARAJEVO

ZASTUPNIKU U SKUPŠTINI KANTONA SARAJEVO ČOMOR ELDARU

PREDMET: Molim iniciranje adekvatnog postupka u Skupštini Kantona Sarajevo I u Ministarstvu za boračka pitanja Kantona Sarajevo

Imam utvrđen status supruge šehida, ali ne mogu ostvarivati prava predviđena Zakonom o dopunskim pravima boraca - branitelja Bosne i Hercegovine Kantona Sarajevo po tom osnovu, iz razloga ograničavajuće odredbe člana 33 i 40 Zakona, odnosno neadekvatne primjene istih odredbi u upravnom postupku pri ostvarivanju prava .

Radi se o odredbi kojom se propisuje da izvjesna prava (pravo na dodjelu stana, pravo na novčenu pozajmicu dodjelu sredstava za rješavanje stambenog pitanja), mogu ostvariti lica koja imaju prebivalište odnosno boravište na području Kantona najkasnije od 06.02.1999.godine.

Ne smatram neprimjerenim da Kanton Sarajevo, zakonskim odredbama, definiše lica koja imaju pravo na dopunska prava porodica šehida, ali imam primjedbu na način primjene te odredbe, na jezičku uređenost odredbe, odnosno na ograničavanje dokaznih sredstava u postupku ostvarivanja prava.

Naime, boravim na području Kantona Sarajevo od kada sam izbjegla iz Višegrada- 1994.godine i to mogu dokazati putem više dokaznih sredstava (privremeno korištenje stana u Sarajevu, prijava zaposlenja, svjedoci i druga dokazna sredstva), ali službe Ministarstva za boračka pitanja Kantona Sarajevo, pri ocjeni dokaza u postupku utvrđivanju mojih prava, ne postupaju u skladu sa odredbama Zakona o upravnom postupku (čl 9 Zakona o upravnom postupku), nego isključivo kao dokaz za činjenicu prebivališta cijene uvjerenje MUP-a. Prema uvjerenju MUP-a boravište u Sarajevu sam odjavila u vrijeme kada sam to morala formalno učiniti radi ostvarivanja imovinskih prava u Višegradu, iako nikada od dana izbjeglištva nisam prestala boraviti u Kantonu Sarajevo

Moguće da je takvo postupanje službenika Kantona uslovljeno označenim odredbama Zakona koje regulisana prava uslovljavaju „Pod uvjetom da imaju prijavljeno prebivalište“, što takve odredbe čine neusklađenim sa Zakonom o upravnom postupku, čak bi se takve odredbe mogle označiti i neustavnim .

Smatram da se, (a to izričito garantuje Zakon o upravnom postupku), dokazna sredstva u upravnom postupku ne mogu ograničavati materijalnim zakonom..

Organ uprave je, prema odredbi člana 9 Zakona o upravnom postupku, dužna utvrditi istinite a ne pretpostavljene ili formalno utvrđene činjenice, na osnovu brižljive ocjene svakog dokaza zajedno kao i na osnovu rezultata cijelog postupka.

Zbog svega opisanog, molim da, u skladu sa pozicijom zastupnika u Skupštini Kantona Sarajevo, odnosno Ministra za boračka pitanja Kantona Sarajevo u zakonodavnom organu Kantona odnosno Ministarstvu, učinite potrebne radnje radi otklanjanja nezakornitosti u radu Ministarstva za boračka pitanja Kantona Sarajevo, odnosno radi hitne izmjene Zakona u cilju njegovog usklađivanja sa Zakonom o upravnom postupku.

Uz poštovanje

PODNOŠILAC MOLBE



Hajdarević Tima